

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....

Un felis dia, i un wikent bendishoná. Siman pasá nos a biba momentunan di sustu ora un notisia via app a keda kompañá ku un mal wega, poniendo tur hende na skol den sustu. Pero danki Dios a resultá ku no tabatin nada serio, mas bien un akshon di hobennan ku a kousa konsternashon. Nos a siña masha hopi di e dia aki. Danki na tur ku a aportá ku nan palabranan di sosten, yudansa i tambe konseho balioso. Nos ta yama danki speshalmente na mayornan i nos personal ku den tur e momentunan di tenshon aki a hasi lo mehor posibel pa yuda. Bendishon pa boso.

Den agènda

Fakansi di skol:

Pasku grandi 18 pa 26 di aprel

Dia di obrero 1 di mei

Riba rapòrt

Vishon di St. Paulus College FO

Nos ta kere den e potenshal di nos muchanan pa desaroyá e abilidad intelektual, spiritual i sosial den nos nan, kaminda nan ta siña i internalisá norma i balornan di nos komunidad. Esaki huntu ku e prinsipionan Kristian ku nos ta para ketu na nan pa duna e alumnonan oportunitat pa nan ta personanan felis i kla pa tuma parti den nos komunidad.



Meta

St Paulus College – OP NAAR DE TOP – ta un kompromiso entre maestronan, alumnonan i nan mayornan.

Nos meta ta pa krea un ambiente pa kada alumno sinti nan mes bon i ku no solamente e parti di siñamentu ta importante pero tambe e formashon di karakter, balor propio, responsabilidad, rèspèt, i naturalmente e formashon spiritual. Nos ta tene kuenta ku kada mucha su nesesidat i ta stimulá kada mucha pa hasi nan máksimo esfuerso.

Historia:

Sint Paulus college ta e skol FO Katólíko mas grandi.

Nos tin mas o menos 590 alumno i 30 miembro di pèrsonal.

E aktual Sint Paulus college ta un fushon, ku a tumá lugá na aña 2001, di St Paulus college (1953), Frater Gualbert (1948) i Cayena kleuterschool (1974). St. Paulus college ta repartí den 3 edifisio.

Nos tim di maneho ta forma dor di Sra. L.Willems direktor athunto i sra.

Renée Zimmerman-Doppia kome direktor.

Nos tin 22 dosente, 1 Remedial Teacher, 2 Onas, 1 Logopedista, 1 trahado Sosial i 1 sekretaria.

Kada aña nos ta skohe un tema pa skol.

E aña aki ta [Dream Big! BeE Creative & Take Action](#)

Pèrsonanan konosí i importante a bishitá nos prestigious St Paulus college:

Peter Grootens i rumanan, Steven i Robbin Martina, Andrew Jones, Coco Balentien, Ludgene i Roald Balentien, Bryan i Roella Goilo, dr Rach i hopi pèrsona konosí mas den komunidad di Kòrsou.

Loke ta leuk ta ku hopi hende ku a yega di bishitá nos skol ta pasa pa wak kon skol ta i nos ta mustranan nan nòmber den e bukinan di skol. Nan ta keda sumamente kontentu.

Promé dia di siman:

Kon djaluna mainta ta kuminsá serka?

Nos ta risibí e muchanan tur dia ku un sonrisa i of un brasa.

Asina bèl bati nos ta habri nos siman ku orashon i kanto di himno, hisando nos bandera. Nos ta papia kòrtiku di lectio divina i un tema aktual ku e muchanan.

Nos ta poné e alumno ku a sobresalí den deporte of algu otro p.e. kanto, baile, bon komportashon ets.den sentro di atenshon. Nos ta kanta pa muchanan i maestranan ku a hasi aña.

Despues e gruponan 3 te ku 8 ta kuminsá sali direkshon SDK pa lesnan di gemnastik. Grupo 1 i 2 ta hasi gemnastik na skol.

Nos skol tin un biblioteka. Kada 2 siman e muchanan ta bai pa fia buki. Na mitar di kada trimester e muchanan ta tene un presentashon di un buki ku nan a lesa. Den forma di un turno oral.

Nos ta biba nos Fé katóliko:

Nos ta kuminsá I terminá nos dia ku un orashon. Nos ta bai misa 1 biaha pa luna ku nos alumnonan. Kada luna un grupo tin enkargo di organisá e Santa Eukarestia. Nos kor di skol ta animá tur nos misanan. Nos ta organisá tur fiestanan religioso grandi . Luna di Mama Maria, Kristu Rei, Pasku di Nasementu, Kuaresma, Pasku di Resurekshon, Promé Santa Komunion i klousura di Aña eskolar.

Kor Un Ratu Uni ku Kristu

Nos skol tin un kor bou di guia di nos logopedista. Miembronan ku ta toka den kor ta nos eks koleganan penshoná huntu ku nos alumnan ku ta kanta.

Durante aña eskolar nos ta tene diferente aktividat na skol ku nos alumnonan / mayornan pero tambe ku nos maestronan. I tambe nos ta partisipá na algun kompetensia. (p.e. kompetensia di lesamentu, kompetensia di konta kuenta, kompetensia di matemátika)



Algun Aktividadnan pa nos alumnonan:

Siman di kultura

Sanikolas

Fiesta di Pasku di Nasementu

100 dia mas sabi (100 dia di skol)

Karnaval

Siman di Skol Katóliko/Pasku di Resurekshon

Green Kidz

Graduashon di nos alumnonan di grupo 2 i 8

Klousura aña eskolar



Algun aktivitat pa maestro:

Relaxed day na Spa Hotel Kura Hulanda

Aqua jogging

Flag hunt

Cook out na Ananda

Workshop nan edukativo

Algun aktivitat pa mayor:

Workshop pa mayornan di grupo 1 i 2

Tripel P (PPP) pa yuda mayornan ku nan tarea pa eduká

Stop Pesten

Kijkdag di CAV

Anochinan di informashon i partimentu di rapòrt

Mayornan ku a duna workshop





Aktivitatna ku skol/alumnonan a partisipá i gana

Kues tur ta konta

Lesá pa otro skucha

Konta kuenta Bíbliko

Aktivitat di Siman di skol Katóliko

Apertura Aña Eskolar

Elekshon prens i pancho karnaval

Festival di tumba hubenil

Selekshon di baseball I futbol

Atletismo I landamentu

snorkelen

Servisio na komunidad: bisihitá habitantenan di habaai I hasi un presentashon pa nan Ronald Mac Donald

Kolektá komestibel

Eskurshonnan ku skol ta hasi:

Bishita BNK

Seaqurium

Parke Kristof I Daaibooi

Parke di Tráfiko

Mucha djispou

“Mama awe na skol nan a yamami gañado”.

“Tehi ku bo mucha, bo tin 2 aña ku bo a kaba skol”